

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Caput VII. De Tertia.

**urn:nbn:de:hbz:466:1-10805**

dicta sunt; nam si ad Græcorum calculos res ista revocetur, sunt qui de Prima Chrysostomum, & Athanasium loquutos afferant. Hic enim libro de virginitate, Sol, inquit, exoriens videat librum in manu tua. Ille autem in fine libri primi de orando Deum; Dic mihi, ait, qua fronte solem inueberis, nisi prius adorayeris, qui lumen illud dulcissimum oculis tuis mittit? Sed hæc testimonia de privata oratione intelligi possunt: Primæ autem officium, cui satis superque est mille & amplius annorum vetustas, statim post ortum solis persolvi debet. Patet id manifestè tum ex Cassiano, tum ex Amalario, & Hugone, tum etiam quia à prima hora diei, à prima seilicet hora post ortum Solis denominatur. Cum enim diem artificiale pro celebrandis horis Canonicas in quatuor partes divisissent Antiqui, solebant in fine singularum partium singulas Canonicas preces singulis trihoris persolvere. Sed cum postea Primam, & Completorium pro initio, & fine diei adinvenient, jam ex prima diei parte, quæ primam, secundam, & tertiam horam continebat, & officio Tertiæ assignabatur, primam horam pro officio Primæ separarunt: duodecimam pro Completorio, uero capite tertio explicatum est. Drogo Abbas quod in ipso solo exortu celebrandum esse Primam existimat: sic enim scribit: Horæ primæ laudatio à sanctis Patribus ex oriente sole constituta est celebrari: quæ si aliquando tardius, vel celerius negotiis exigentibus celebretur, nobis horæ debitæ officium congruo tempore persolventes, hujus similiiter & ceterarum statutus terminus penes eum, cui cuncta sunt præsentia, relinquantur.

*q. Drogo Abb. tratt. de horis canonicas.*

## CAPUT VII. DE TERTIA.

### S. I.

*Hora Tertia mysteria. Numerus Ternarius commendatur.*

### METRUM XIII.

**Q**uis me Numinis impetus  
Sublimem vacuo libravit in aere?  
Falsa latror imagine?  
An celum volueris transfilo polum?  
Quo me ubila prepetem

Attollunt rapido turbine concitum?  
Aut quis me potuit furor  
Stellis inferre, & concilio Dei?  
Absunt procul impi,  
En præsens Deus est: Sentio spiritum.  
Rugitus reboat polus,  
Atque ether rapidis depluit ignibus.  
O vos pectora pandite,  
Quos Numen populi certibus eripit.  
Nil parum, aut humili modo,  
Nil mortale loquar. Sed referens Deo  
Gratas obsequii vices,  
Devotis jecram fidera vocibus.

1. Elevatus est enim ab ortus sui primordio igneus solis splendor, altius processit, dilatavit radios, incaluit, & invaluit acrius ardens, efficacius illuminans, potentius inniens. Novis igitur illustrata fulgoribus fidelium Ecclesia tertia diei hora rursum laudes Deo canit, nova luce divina cognitionis induitur, novo veritatis splendore allicitur, sacrarumque precum delectabili suavitate pingueſcit. Quomodo enim hac hora tacere poterit, quam tota veneranda mysteria, ipsaque spiritus sancti gratia cœlestium charismatum sacramentis nobilitarunt? Nimirum hac hora Dominus noster ex sententia Ruperti Abbatis spinis coronatus Judeorum vocibus crucifixus est, iuxta illud *I.*, *Filiis kominum dentes eorum arma, & sagittæ, & lingua eorum gladius acutus:* nam Pilato judicante illum dimitti, firmaverunt sibi sermonem nequam pertinaciter clamando, crucifige, crucifige. Et ille quidem iniquus iudex sacrilegis Judeorum clamoribus commotus auctorem vitæ morte turpissima condemnavit, Jesus autem cum iniquis reputatus Agnus sine macula saevissimæ luporum rapacitati traditus est. Tum bajulans sibi crucem ad locum supplicii contumelias, & blasphemias lacessitus pervernit: ipsoque patibulo in terra defixo immantia tormentorum genera erga ipsum Dei Filium innovata sunt. Haec vero omnia hora tertia contingit: Ignatius Martyr *r.*, & Athanasius *u.* obseruant.

2. Ipsum etiam Tertiæ nomen ex ternarii numeri significatione multa suggestit haud indigna solerti consideratione. Trias princeps imparium numerus, perfectusque censetur, nam prior initium, medium, & finem sortitur: & quia unitate media interveniente sectionem non recipit, ut in duo æqua dividatur, idè, teste Hu-

gone *x.*

*r. Rupert. l. 1. de div. off. c. 3. u. Psalm 56. v. Ignat. ep. ad Trallian. w. Athan. lib. de Virginit.*

gone x, indissolubilia, & incorruptibilia designat. Monadem fabricatori Deo, diadem materie, triadem idælibus formis aptarunt Antiqui y, ac propterea ipsa Trias mundana perfectio est. Celebrissimum est Pythagoræ dogma z numerum ternarium masculum esse, & aptissimum ad agendum. Atque hinc emanasse arbitror vulgata illa inter sapientes proloquia, Tria esse omnia, Tria in sacrificiis offerri debere, ut sic omnia in Deum Conditorem referri viderentur. Trias in corporibus dimensio est: Geometrici corporis prima planties tribus lineis constat, quibus trigonalis forma concluditur. Formæ & actui ob perfectionem attribuitur Ternarius. Monas per Ternarium omnia perficit, ac definit: estique Trias unitatis tam internæ, quam externæ foecunda expressio. Pythagoras, qui primus in Italiam Philosophiam invexit, tantum Ternario tribuit, ut omnem Deitatis rationem eō perfici affirmaret. Idem nullum numerum se amplius duci voluit, quam trino progressionis ordine, adeo cubum in numeris velut complementum observabat. Porro hunc numerum habemus à natura: est enim progressus multitudinis ab uno, & ad unum regressus. Opifex seipso contentus summa unitas est, in creaturas, quas produxit, diffunditur binarius, easdem ad se revocando ternarium complect reducens omnibus in proprium finem. Unitas perfectissima est, binarius dividens infaustus, ternarius convertens in Deum felicissimus. Tres sunt rerum omnium proportiones, quas Timæus vincula nominat, Musica, Arithmetica, Geometria: his constat universi pulchritudo. Quid plura? Mundus Archetypus, adoranda scilicet, & augustissima Trinitas in simplicissima unitate hunc numerum modo prorsus ineffabiliter consecravit. Extant in facris literis innumerari propè ternarii, quos sancti Patres ad hujus mysterii noritiam applicarunt. Theologi quoque cum Magistro sententiarum a, imaginem, & vestigium Trinitatis in omnibus creaturis tria rerum diversarum expressione agnoscent, & admirantur. Adorabilis sancta Trinitas, ait Chrysostomus b, in Ternario gloriam habet, & veneratur Deus Ternarii prædicationem in terra, & virtutum numerum, quod numero Sanctæ Trinitatis respondeat. Multi sunt Patriarchæ, & Deus seipsum vocat Deum

Abraham, Isaac & Jacob. Non quod non sit etiam Deus Moyris & aliorum, sed veneratur sicut in imagine in terrenis coelestia. Quid dicam de mundo Angelico, cuius triplices Hierarchia, & cujusque Hierarchiæ triplices chorus, triplices item actus purgandi, illuminandi, & perficiendi? Quid de celesti, ejusque motu? Quid de elementari? Quid de Microcosmo, ejusque potentias & facultatibus? In his enim omnibus admirabilis Ternarii vis, & efficacia relucet.

3. Volunt Platonicæ apud Franciscum Georgium Venetum c res omnes superiores Ternarii cubo, inferiores autem triplici enneade comprehendendi. Potho d Prumiensis Presbyter in libris de domo Dei inter multa, quæ de hujus numeri excellentia differit, illud præcipue subtilissima indagatione investigat, quomodo Ternarius ad animam pertineat. Poëtae cum sacrificia, libamina, & lustrationes describunt, hunc numerum solent adhibere. Virgilii in Pharmaceutria.

*Terna tibi hæc primum triplici diversa colore  
Licia circumdo, terque hac altaria circum  
Effigiem daco. & paulò post.  
Necesse tribus nodis ternos Amarilli colores.*

Idem in Georgicis e.

*Ter liquido ardente perfudit nectare Vestam,  
Ter flamma ad summum teclis subjecta relaxit.*

Et in Aeneide f.

*Idem ter socios pura circumluit unda  
Spargens rore levi, & ramo felicis olivæ.  
Lustravitque viros.*

Ovidius g.

*Terque senem flamma, ter aqua, ter sulphure lustrat.*

Idem h.

*Terque manu permulsi cum tria carmina dixit,  
Carmina mortali non referenda sono.*

Propertius i.

*Terque meum retigit sulphure & igne caput.*

Joannes Tzetzes k in historiis triplicem mortuum conclamationem commendat ex Homero. Theocritus in Idylliis l, Apollonius in Argonauticis \*, & alii Poëtae passim eodem numero utuntur. Deficiet ne dies singula enarrantem, quæ ad Ternarii commendationem faciunt. Plura curioso lectori suppeditabunt Girardus Rufus.

c Fr. Vener. Hymn. mundi anticic. 1. to. 3. &c. 5. d Potho. l. 2. &c. 4. de Domo Dei. e Virg. Georg. lib. 4. f Aeneid. l. 6. g Ovidius lib. 6. metaph. l lib. 4. fustorum. i Proper. lib. 4. eleg. 9. k Tzetzes Chiliad. 5. v. 550. l Theocr. Idyll. 2. \* Apollon. l. 2.

x Hugo Vict. lib. de scriptis. cap. 15. y Martian. Capellal. 7. z Aristoteles 1. de calo. a Magist. r. sent. b Chrys. tom. 4. hom. in illud Apofr. cum autem subjecta illi fuerint omnia.

Rufus <sup>m</sup> in Mysticis commentationibus ad Severini Boethii Arithmeticam, Annibal Roselli <sup>n</sup> in Pymandrum Trismegisti, Nicolaus Cusanus <sup>o</sup> de docta ignorantia, Marsilius Ficinus <sup>p</sup> in Plotinum. Petrus Bongus <sup>q</sup> de mysteriis numerorum, Aulonius <sup>r</sup> in grypho ternarii, Macrobius <sup>s</sup> in somnium Scipionis, Martianus Capella <sup>t</sup> libro de nuptiis Philologiarum, Nicomachus Gerasenus in Arithmetica Theologica apud Photium <sup>u</sup>, Albinus Flaccus <sup>x</sup> apud quem extant quidam versus Sancti Ambroxi de Ternarii mysteriis, & alii plures. Mihi non libet hæc diutius lectari, merito enim imprudentiae accusarer, si lucem à minutis facibus mutuarer, quando fulget splendidissimus Sol.

## §. I I.

*Hora Tertia oramus ob adventum Spiritus sancti. Gratia Spiritus sancti quid operatur in anima.*

**I.** Observat Isidorus <sup>y</sup>, Ecclesiasticorum rituum solertissimus indagator, illud ad horæ Tertiæ illustrationem maximè facere, quod Spiritus sanctus ipsa horâ tertią, hoc est, suo loco, & numero, & tempore, cum sit tertia individua Trinitatis persona, ad terras descendit impleturus gratiam, quam Christus promisit Ecclesiæ. Hæc est potissima ratio, ad quam respicientes majores nostri horam tertiam divinis laudibus dedicarunt. Basilius <sup>z</sup> primi nominis auctor hujus institutionis rationem his verbis exequitur. Tertiâ horâ congregentur fratres ad orationem, ut admoniti doni Spiritus, quod circiter hanc horam Apostolis datum fuit, uno eodemque animo cuncti illum venerentur, ab eoque petant, ut & ipsi digni sint, qui sanctificationem suscipiant, simulque ut salutaris sibi doctrinæ, & recti itineris Dux esse, & auctor velit, illum imitantes, qui dixit a Cor mundum crea in me Deus, & spiritum rectum innova in visceribus meis. Ne projicias me à facie

<sup>m</sup> Rufus lib. 1. cap. 9. <sup>n</sup> Roffel. lib. 2. qu. 1. cap. 1. diffusissime. <sup>o</sup> Cusan. lib. 1. <sup>p</sup> Ficim. in Plotin. lib. 3. Enn. 1. <sup>q</sup> Bongus cap. de Ternario. <sup>r</sup> Aulonius Idyll. II. <sup>s</sup> Macrobi. lib. 1. cap. 6. <sup>t</sup> Capella. lib. 7. <sup>u</sup> Photius Cod. 187. <sup>x</sup> Alb. Flaccus in fine ep. 69. <sup>y</sup> Isidor. de eccl. offic. lib. 1. cap. 19. <sup>z</sup> Basili. in regul. sus. disput. qu. 37. <sup>a</sup> Psalm. 50.

tua, & Spiritum sanctum tuum ne auferas à me: Redde mihi lætitiam salutaris tui, & spiritu principali confirma me. Et alio in loco <sup>b</sup>, Spiritus tuus bonus deducet me in terram rectam: atque ita denuò ad intermissa opera redeatur. Ergo hæc hora omni devotione digna totâ cordis jucunditate celebrari debet, qua signis visibilibus invisibilis Spiritus manifestari dignatus est veniens super discipulos in linguis igneis, ut verba ignea loquerentur, & legem igneam, legem charitatis igneis linguis prædicarent. Cœli distillaverunt à facie Dei Sinai, à facie Dei Israël <sup>c</sup>: & qui jam dederat Filium in pretium redempcionis, dedit & Spiritum sanctum in privilegium adoptionis. O Deum, exclamat Guerricus <sup>d</sup> mei ordinis Abbas sanctissimus, o Deum, si fas est dici, prodigum sui præ desiderio hominis. An non prodigum, qui sicut proprio Filio suo noa pepercit, sed pro nobis omnibus tradidit illum; sic nec Spiritui sancto pepercit, ut ita loquar, sed novâ, & mirâ largitae super omnem carnem effudit illum? Qualem utique oportuit, acceperimus consolatorem ubique presentem, protectorem omnipotentem, doctorem omnia scientem. Talem sanè exigebant misericordia nostra, virtus nostra, errores nostri: Talem, inquam, qui ubique esset, omnia posset, omnia sciret. Talem sicut, qui posset tot dispersos colligere, tot opereos protegere, tot exiles revocare, tot incredulos docere, inter tot discrimina custodire.

**2.** Quis tantâ polleat eloquentia laude, ut cuncta possit recensere pericula, quibus obsidetur quodammodo, & circumvallatur fidelis anima fugiens Ægyptum, ut in deserto religionis abominationes Ægyptiorum offerat Deo? Persequitur eam Pharaon fugientem cum curribus, & equitibus suis: cogitant unanimiter adversus eam alienigenæ cum habitantibus Tyrum. Etenim Assur ille magnus exterminator Diabolus venit cum illis. Quid multa! Urget undique inimicus, suscitat bellum, dimicat fortiter, infidias instruit, machinas admoveat, ingens excidium minitatur. Jam fluctuat miles hæsitabundus, jam improviso hostium impetu commovetur, & qui noctis excubias fideliter peregerat, qui matutinæ preciis splendore perfusus, solisque nascentis calore succensus in diei abscessu se gloriam Deo cantaturum per mundi abstinentiam promiserat, jam necessariis externorum operum occupationibus distractus, temerarius in

<sup>b</sup> Psalm. 142. <sup>c</sup> Psalm. 67. <sup>d</sup> Guerric. serm. i. in die Pentec.

prosperis, timidus in adversis, interno spiritus fervore paululum tepecente clamat cum Propheta e., *Mei autem penè moti sunt pedes, penè effusæ sunt gressus mei: & f., Quis conjurget mihi adversus malignantes, aut quis stabit mecum adversus operantes iniquitatem?* In tanto igitur discrimine constitutus præclara orationis arma assumens per viam cœli proficiscitur, portas Domini intrat in confessione, atrijs ejus in hymnis, cumque ingenti fiducia ad thronum gloriae accecerit; Nunc, inquit, in tanta necessitate tu sancte Spiritus periclitantium fortudo, pereuntium fatus, justorum custodia, pugnantium virtus, nunc promptus ingeri dignare nobis nostro refusus pectori. Adde ligna, novam struem beneficiorum, ut de novo igne succensa charitas non solum ardens in se, sed & aliis lucens bonorum operum splendore proximos accendat. Sic veniente Spiritu sancto vires resumit conscientia, fugit timor, augetur spes, & inimici nostri pacata videntes animam, *Quæ est, inquit g., tan- ta exultatio? Fugiamus Israelem, venit Deus in castra, Deus pugnat pro eis contra nos.* Nimirum h., refusus sol in clypeos aurcos, splenduit sancti Spiritus donum septiforme in potentissimam animam, & resplenduerunt montes ab eis per boni operis exempla, & fortitudo gentium dissipata est. Et i. *Nisi quia Dominus adjuvit me, paulo mi- nus habita esset in inferno anima mea.*

3. Totum hoc negotium, ejusque seriem, & ordinem explicat elegantissime mellifluus Scriptor, sanctique Spiritus dulcissimum organum Bernardus k.: Veniens, inquit, Spiritus sanctus, & visitans miseram animam per septiformem gratiam suam primum infundit ei timorem, timori subinfert pietatem, ut miseriam timoris suavitatem consoletur pietatis: pietati scientiam, ne à timore tristitia abundantior absorbeat, ne à pietate præsumptiovana præcipitet: scientiæ fortitudinem, scilicet contra tentationes: ut & pröficiatur in bono; scientiæ & fortitudini suffragatur consilium; consilio intellectum addit, ut jam in interiori cordis sui legat per se non solum, quæ consulunt homines, sed etiam quæ sit voluntas Dei bona, & beneplacens, & perfecta: intellectui sapientiam, ut, quod haec tenus didicerat, jam ei transeat in affectum, ut per semeripsum ex gratia Dei sapiat, & sapidum ei fiat, & dulce quicquid haec tenus durum videbatur, & intolerabile. Hanc

doctrinam de donis Spiritus sancti effudit super nos abunde sanctus Pater de plenitudine sua verbum bonum eructans. Illud autem observandum est, non omnibus eundem spiritum infundi, divisiones enim gratiarum sunt, & spiritus ubi vult spirat. Et quidem incipientibus servire Deo dulcedo quædam interna concedi solet, quatenus possit eorum mens, ut Sanctus Diadochus l. Photicensis Episcopus admonet, sanctorum laborum præmium quantum futurum sit aperte cognoscere. Nam tenui spiritus aura afflati, & quodam quasi coruscante transiunt scintillæ attacū exultant, & fervent amore; sed nondum plena charitas eis inest, nondum juxea fluens, & plenitudines residere dicuntur, ait Philo m. Carpathiorum Antistes, ut possint arcana scripturarum rimari, & ea Christiano populo ad salutem impetriri. Alii autem perfectiores, & jam in Dei servitio provecti spiru replentur, cuius ubertate potati bullunt, exundant, erumpunt, fructificant, signa innovant, immutant mirabilia, nec ullum vanitatis periculum illis subest, quos plenissima charitas omnijmodis occupavit.

## S. III.

*Quid sit portare spiritum, & vivere in spi- ritu. Oratio ad Spiritum sanctum. Cur hæc hora aurea, & sacra nuncupetur.*

1. C um dixisset Apostolus corpora nostra templum esse Spiritus Sancti, ita capitulum luculenta veritate conclusit n.; Glorificate & portate Deum in corpore vestro. Ergo, inquit Paschasius o. in fine librorum de Spiritu sancto, qui Spiritu sancto studiosè puritatis templum præparat in corde, per castitatem, & mortificationem carnis Deum portat in corpore, quia cum necesse est corporaliter portare, à quo spiritualiter possidemur. Hoc Sacramentum magnum est in horæ Tertiæ precibus sedulò recolendum, ut hæc horæ, quæ Spiritus sancti gratia olim in Apostolos diffusa est, tales nos vitam instituere proponamus, qualem exigit ipse Spiritus fons puritatis, gratiarum thesaurus, discretor cognitionum, qui scrutatur profunda cordium, qui mentis intentionem discernit,

Z z z z qui

l. Diadoch. de perfec. cap. 90. m. Philo comment. in Cant. cap. 5. vers. 12. n. 1. ad Corinth. 6. 19.  
o. Paschas. lib. 2. cap. 12.

e Psalm. 72. f Psalm. 93. g 1. Reg. 4. h 1. Ma- chab. 6. 39. i Psalm. 93. k Bern. serm. 1. de pu- gna spirituali. si tamen ipse auctor illius est.

qui nec minimam cuiuspiam imperfectionis paleam in cordis habitaculo residere permittit, quam non statim subtilissimae circumspectionis flamma comburat. Felix anima, quæcunque illa est, que abundans in spe, & virtute Spiritus sancti facta carnis spiritu mortificat, & sollicitè ambulans cum Deo suo mandata ejus efficaciter complet. Felix anima, cui bonum est adhaerere Deo, ut ita dicere possit: ego in Deo, & Deus in me est, & unus spiritus sumus, quoniam qui adhaeret Deo, unus spiritus est. Hoc est in carne spiritum esse, hoc est esse spiritum in spiritu, immo spiritum sine spiritu, sicut Richardus Victorinus p̄ ostendit his verbis. An forte hoc est spiritum in spiritu esse, semetipsum intra semetipsum totum colligere, & ea quæ circa carnem, sed etiam in carnē geruntur, interim penitus ignorare? An etiam spiritu sine spiritu esse, est semetipsum extra semetipsum, & supra semetipsum totum effundere, & quæ sub ipso vel in ipso sunt, omnino interim ignorare, & in illud divinitatis arcanum totum intrare? Sanè Qui adhaeret Deo unus spiritus est, & psallere potest qui est hujusmodi, Defecit in salutare tuum anima mea. Sed hæc sublimioris literaturæ linea menta alibi accuratius exprimere in animo est, si ipse spiritus adjuvet infirmitatem meam. Alioquin socordia depresso est ad Deum, qui justus est, ipse non justus, & mundi adhuc simulachra circumferens erigi non potero: & peccatorum sarcina gravatus ad terram allidat. In hac scimus, ait Joannes Apostolus q, quoniam in Christo manemus, quia de spiritu ejus accepimus.

2. Atque utinam mihi pars sit in sermone isto, ut in Christo manens de spiritu ejus accipiam, quia nemo nisi in spiritu Dei loquens dignus potest illius laudator inveniri. Utinam tangat idem spiritus cor meum dulcedine præsentiae suæ, & spiritum rectum innovet in visceribus meis, quia scriptum est, Rectos decet collaudatio r. O ardor salutaris, Deus amor, Spiritus paraclete, te nunc appello, te nunc obtestor; qui felicissimo incendio orbem terrarum hac hora succendi. A quatuor ventis cœli veni Spiritus, veni è patria felicitatis, & beatum illum amoris ignem, quem olim terris inspirasti, vitali tuo illapsu evenila semper, ut crescat, & vivat. Emette de thesauris tuis pretiosum imbre septemplicis gratiæ, cuius suavi dulcore infirmitatis meæ falsugo mitigetur. Uni cor credentium tibi, ut

P. Richard. lib. 5. de contempl. cap. 12. q. 1 Joann. 5.  
t Psalm. 32.

unum sint, unum sapient, te unum laudent, & requirant, qui Patri, & Filio coæqualis ab utroque procedis uniens ambos, ut potè amborum individua connexio, unificum gluten, complexus indissolubilis, & pax exuperans omniem sensum. Ex in numero illo ignearum linguarum numero, quas hac hora in discipulos effudisti, non centum linguis inani Poëtarum voto, sed unam dumtaxat exopto, quam si mererer accipere, dicerem utique & ego: Dominus dedit mihi linguam mercedem meam, & in ipsa laudo eum: dicerem & illud, & Dominus dedit mihi linguam eruditam, ut sciām sustentare eum, qui lapsus est verbo. Et de excelso misit ignem in offib⁹ meis, & eruditiv me u. Quod si nemo potest dicere, Dominus J E S U S, nū in Spiritu sancto: stultum profectò esset sine ejusdem Spiritus assistentia ejus laudibus incumbere, qui major est omni laude.

t Eccl. 51: 30. t Isai. 50: 4. u Thren. 1: 13.  
x ad Cor. 12: 3.

#### M E T R U M X I V.

**A** Ceelerat cursum Titan, jam tercia magis  
Pars est exacta dies.  
Cum subito ingenti reboat nemus omne tumultu,  
Tellus concussa tremescit.  
Nubila terrifico quat runt puls a fragore,  
Tonat alii Regia cæsi.  
Perque levem rutila discurrent aera flammæ,  
Tremidis micat aura favillis.  
Qua novæ tempestas? miseris an fulmina terris  
Displodit Numinis ira?  
Quæ flamma hac? varias effornat acumine lingue  
Pectusque incendit amore.  
Scilicet hic Amor est, proprios effusis in ignes,  
Placido quis ultimat icta.  
Pandite, mortales, penetrata pandite cordis,  
Deus ecce illabitur orbi.  
Jam nova lux menti patet acto aspirat olympos,  
Jam sacris ardeo flammis.  
Aduentum testata Dei jam servida totum  
Spirant præcordia Numen.  
Jam mea sublimi miscentur gaudia calo.  
Votis jam siderat aango.  
O Deus, ô Patris, Nasque Numine Nume,  
Divini spiritus oris.  
Amorum communis amor, pax, unio, nexus,  
Bonitas, & flamma perennis.  
O dator, & donum, divumque aeterna possestat  
Mundum qui flaminæ compleat.

*Influe cœlestis septena charismata doni,  
Numenque infunde supernum.  
Atque mea æternus præcordia concemet ignis,  
Penetret tua flamma medullas.  
Nam nisi ab igne Deo non debet cordis in ara  
Comburi victima amoris.*

3. Durandus Tholosanus Praeses y horam Tertiæ auream ab Italîs appellari asseverat. In jure etiam Canonico & sacra nuncupatur, hac enim hora sacra Missarum solemnia festis diebus juxta Ecclesiasticas sanctiones ex decreto Telephori Papæ solemniter celebrantur. Festis inquam diebus, non omni die, ut volunt Græci, quos Humbertus Sylvæ Candidæ Episcopus impugnat in responsione contra Niceram. Narrat Joannes Moschus aa in prato spirituali cuiusdam villæ incolas accusasse Presbyterum, quod nunc hora tertia, nuac hora nona Missam die Dominico celebraret non servans legitimum ordinem sanctæ oblationis. Antiqua enim Ecclesiæ consuetudo horam terram, quæ, ut ait Rupertus Abbas, bb cæteris illustrior est, Missis celebrandis ob honorem sancti spiritus destinavit. Consigno hoc caput insigni Bernardi cc sententia, ut pron pri semper, & alacres in divinis laudibus inveniamur. Nihil ita propriè quemdam in terris repræsentat cœlestis habitacionis statum, sicut alacritas laudantium Deum.

g Durand. l. 3. deritib. Eccl. c. 8. z Disputat. 44. cap. fin. de confec. d. 1.c. Noctes sanctæ. aa Pratum spirituale. c. 27. bb Rupert. l. 10. de div. off. cap. 18. cc Bern. ser. 11. in Cantic.

## C A P U T V I I I . D E S E X T A .

### S. I.

*Divina maiestas in sole precipue elucet. Solis,  
& Dei comparatio ex sanctis Patribus.*

1. **S**ol a in aspectu amunitans in exitu, vas admirabile, opus excelsum. In meridiano exurit terram, & in conspectu ardoris ejus quis poterit sustinere? Fornacem eustodiens in operibus ardoris: tripliciter Sol exurens montes, radios igneos exufans, & resplendens radiis suis obcœcat oculos. Magnus Dominus qui fecit illum, & in sermonibus ejus

a Eccl. 43:2.

festinavii iter. Liber enim ab hoc solis encomio sextæ horæ tractationem ordiri, ut quæ meridiano æstu fervente celebratur, æterni solis majestatem apitissimo nobis symbolo repræsentet. Solem vocat Dionysius b clarissimam imaginem Divinæ bonitatis: Sicut enim ille visibilis creaturæ unicus Princeps quasi quidam naturæ oculus universum condecorat, temporum vicissitudines distinguit, luce & influxu vitam mortalibus administrat: ita Deus omnium causa, initium, & vita attingit à fine usque ad finem fortiter, omnia penetrat, omnia temperat, omnia continet, omnia vivificat. Dempfit soli materiam Averroes, subtrahamus eidem & quantitatem, adeò ut lumen solum superficie mirifica virtute refertum, nulla figura definitum, & in immensum spatum circumquaque diffusum, ita tunc excedens intelligentiam, sicut nunc aciem oculorum exuperat. Hac fermè ratione Deum pro viribus ex sole cognovisse videbimus, qui posuit in ipso tabernaculum suum. Appositè ad hæc Theologorū Phœnix Nazianzenus c. Quod sensibilibus rebus est Sol noster, hoc intelligibilis est Deus. Ille mundum hunc aspectabilem collustrat, hic invisibilem. Ille corporis oculos ita afficit, ut lumen ipsius intueri possint: hic mentes Deiformes reddit. Ille corporeis rebus oculorum acie præditis, & iis quæ in aspectum cadunt hanc vim tribuit, ut & illa videre, & hæc viu percipi possint; ipse tamen omnia, quæ oculis subjecta sunt, pulchritudine antecellit: hic eodem modo cum tam iis, quæ intelligentia utuntur, quam qua mente, & intellectu comprehenduntur, hoc afferat, ut & illa intelligent, & hæc intelligentia percipientur; ipse tamen intelligibilium omnium summus est, in quo desiderium omne consistit, ac defigitur, nec supra eum mens ulla ferri potest, quantumvis Philosophica, altissimè tendens, ac summè curiosa. Hæc Gregorius. Cui conciens Thalassius Monachus ait d, quod est lux videntibus, & visis, hoc est Deus intelligentibus, & intellectis. Sicut autem Sol omnia collustrat, ita Deus sedere dicitur quasi in tabernaculo, ut Marius Victorinus e loquitur, unde universali oculo, id est, lumine substantiæ omnia videt. Hanc verò Dei cum sole analogiam alii Patres quam plurimi, & Doctores gravissimi variis paradigmatis expresserunt,

Zzzz 2 Non

b. Dionys. c. 4. de div. nominib. c. Nazianz. orat. 21.  
d. Thalass. centur. 2. c. Mar. Victorini. lib. 4. gdo. Arium.